

晚

學

集

晚學集卷第二

說辨

干首非劍說

吾友程君易田作桃氏爲劍考並圖古劍六以其短小
定爲下士所服余竊謂非劍也殆干首歟曾目驗十餘
器其制與圖畧同案考工記臘廣二寸有半寸以其臘
廣爲之莖圍長倍之今程君所圖其莖圍僅及臘廣之
半且短不受握余故謂非劍何以知爲干首也莖中有
陽起兩市其閒卽注旄處底有小洞所以接干今官衛
門坐槍俗呼標槍干首兩刃中脊隆起卽此制特易銅爲木

耳安邑宋芝山有一玉器形制同而短小是古又以玉
作之玉之不中爲劍明矣爾雅釋天注旄首曰旌李巡
曰旄牛尾著干首說文旌析羽注旄首徐鍇繫傳曰其
竿頭綴以旄牛尾也孟子大夫以旌趙岐曰旌注旄干
首者釋名綏有虞氏之旌也注旄竿首其形槩槩然也
詩韓奕淑旗綏章正義云綏者卽交龍旂竿所建與旂
共爲一竿鄭康成注夏采云綏以旄牛尾爲之綴於幢
上又注明堂位云綏爲注旄牛尾於杠首廣雅天子之
杠高九仞諸侯七仞卿大夫五仞士三仞馥案杠亦干
也旄牛尾卽犛牛尾說文犛犛今本誤作犛牛尾也孔甯子

犛牛賦云旣作表於禮樂又爲容於軍旅唐書哥舒翰
守潼關師始東先驅牙旗觸門墮注旄干折凡此皆注
旄干首之證但干首形狀諸書無文幸古器猶存今門
坐槍雖易以木尚沿舊不變此可通古今之郵以解經
傳干首注旄之制惜與程君閒隔千里不得質以鄙說
也

按干亦用以擊刺故以銅爲首有鏃有刃說文箒字
訓云以箒擊人也左傳舞韶箒者尚書舞干羽于兩
階皆干舞也

司馬達甫舍人藏一器與程氏圖同有欵識可辨者

四字曰作其永用馥謂其卽旗古文省也

程氏引莊子吹劒首者映而已矣以莖頭之孔爲可
吹名曰鐔馥案司馬彪注云劒首謂劒鏃頭小孔映
然如風過是司馬以爲穿透之孔非干首有底之孔
且鐔亦非劒首顏師古漢書注云鐔劒口旁橫出者
是也

蔡中郎名字說

後漢書列傳蔡邕字伯喈或謂喈鳥鳴聲其名當作雛
取義於雛雛也馥案作雛良是但非取於鳥書無佚言
乃雍鄭注時有所言則羣臣和諧詩周頌有來雛雛樂

記離離和也爾雅釋訓靡靡優優和也崔鴻十六國春秋後秦錄姚興傳曰濟南公邕字子和興之弟也北史刁靡字淑和辛少雍字季和唐邕字道和南齊書姚道和字敬邕魏書趙邕字令和江表傳顧雍少從蔡伯喈學鼓琴伯喈貴異之謂曰卿必成名今以吾名與卿雍與伯喈同名由此吳錄雍字元歎言爲蔡邕之所歎因以爲字蜀志簡雍字憲和顧簡二名皆作雍字是取雍和之義和當爲龢中郎當字伯龢說文龢調也龢樂龢龢也或難曰釋詁關關嘒嘒音聲和也郭注云皆鳥鳴相和釋訓嘒嘒喈喈民協服也郭注云鳳皇應德鳴相

和百姓懷附興頌歌此亦非爲鳥言邪馥答之曰詩關
關雎鳩雝雝鳴雁雖狀鳥聲仍取和鳴非謂關關雝雝
專施之鳥而不容別屬也惟卷阿之雝雝喈喈乃象鳳
鳴尚書大傳引逸詩鳳皇喈喈是也若因鳥聲以爲表
德何不字伯關邪言非一端字非一指自彛體假借讀
者望文生義遂使古訓拘而不能通矣

唐嵩陽觀碑致邕熙潘尼釋奠頌穆穆焉邕邕焉
文選笙賦雍雍喈喈若羣雛之從母也李善注爾雅
曰雍雍和也毛萇詩傳曰喈喈和聲遠聞也

說雝

皇侃論語義疏云解繳射者多家一云古人以細繩系

九而彈謂爲繳射也

九以石爲之玉篇璠以石維繳也說文璠以石箸維繳也纂文璠射

石也

西京賦璠不特絰往必加雙薛綜注沙石膠絲爲璠楚策被璠璠引微繳姚伯聲注璠以石維繳也謝靈

運山居賦緝綸不投置羅不被璠戈靡用蹄筌誰施自

注云八種皆是漁獵之具璠或作落廣韻落攬繳石史

記楚世家若王之於弋誠好而不厭則出寶弓落新繳

集解引徐廣曰負石傳弋繳曰落又或通作婆後漢書

馬融傳繪一云取一枚長一二尺許以長繩系此枚而

橫颺以取鳥謂爲繳射也
蜀都賦枚孤施兮纖繳出鄭

注司弓矢云結繳於矢謂之矰矰高也司弓矢又云田

弋充籠箠矢共矰矢注云籠竹籠也矰矢不在箠者爲

其相繞亂將用乃共之也侃案鄭意則繳射是細繩系

箭而射也馥案說文繳生絲縷也矰雉射矢也雉繳射
飛鳥也飛者乃可施繳漢書貨殖傳矰弋不施於溪隄
是也論語弋不射宿言但繳雉飛者而不矢射宿者宿
卽無所用繳矣易林鵠求魚食道遇射弋矰加我頸繳
縛兩翼是雉者以短矢引繳迎鳥首而射之繳縛鳥下
來也繳所以縛鳥者說文繳繳繳也馥謂當爲繳敝言
繳旣高而布敝慎子弩弱而矰高者乘於風也曹植羅
繳鴈賦播繳繳以凌雲播卽布敝也繳所以高而布敝
者矰所系如網之綱其緒少少緒目以漸而生生則目
繁繁者爲少者所牽衆目俱張網當一面鳥乘風力翼

難猝斂進爲所覆退爲所繼矣惟銜蘆者能避之抱朴子智禽銜蘆以避網說苑銜葭而翔以備矰弋鷁鷁賦徒銜蘆以避繳淮南修務訓夫鴈銜蘆而翔以備矰弋高注銜蘆所以令繳不得截其翼是也說文鰲堆射收繫具也鰲下訓同鰲射具集韻鰲所以盛堆說文鰲堆射所蔽者也此堆射之大略也汲冢書有繳書二篇

洪武正韻繳生絲縷弋箭著之以冑禽足謂之矰繳又云矰亦作矰三輔黃圖次飛具矰繳以射鳬鴈箭有綸者曰繳繳卽綸也

夏官司弓矢矰矢箠矢用諸弋射馬注繳繫短矢謂

之矐鄭注矐高也弗之言刺也二者皆可以弋飛鳥
刺羅之也又田弋充籠箠矢共矐矢注云矐矢不在
箠者爲其相繞亂

吳語白羽之矐韋注矐矢名以白羽爲衛

楚詞九章矐弋機而在上兮王注矐繳射矢也

呂氏春秋真諫篇荆文王得宛路之矐高注矐弋射
短矢

漢書司馬相如傳微矐出纖繳施顏注矐短矢也繳
生絲縷也以繳系矐仰射高鳥謂之弋射

西京賦登豫章簡矐紅蒲且發弋高鴻挂白鶴聯飛

龍薛注繳射矢長八寸名矰其絲名繳挂矢絲挂鳥
上也馥案八寸短矢欲其高飛非弓力所能須用弩
故慎子言弩弱矰高楚詞言機而在上機謂弩機
淮南覽冥訓蒲且子連鳥於百仞之上高注蒲且子
楚人善弋射者馥謂連者以繳牽連之子虛賦弋白
鵠連駕鵠

說隸

作隸不明篆體則不能知其變通之意不多見碑版則
不能知其增減假借之意隸之初變乎篆也尚近於篆
旣而一變再變若耳孫之於鼻祖矣又若水之同源異

派矣又如酒之脫却米形矣如圖變爲圖再變圖圖圖
莽變爲遄再變爰麥恩變爲忽再變忽心蕞變爲葍再
變𦍋黍變爲黍再變柔典變爲興再變典興表變爲表
再變衷表周變爲周再變周其變爲其再變其其希
變爲希再變希需變爲需再變更寫重變爲壺再變壺
辜變爲亨再變厚享雲變爲雲再變雲雲盥變爲盥再
變且罔變爲罔再變罔罔自變爲巨再變巨阜昇莊變
爲莊再變莊甹變爲棄再變棄其棄弁變爲衺再變衺
報嗣變爲嗣再變嗣嗣惡變爲惡再變惡惡革變爲
革再變革革屬變爲屬再變屬屬因變爲曲再變曲曲

曲變爲焉再變焉焉尅變爲煮再變資脊盈變爲盈
再變盈盈世變爲世再變世世世帶變爲帶再變帶
帶帶辟變爲辟再變舜凡此皆先變于篆後變于隸
者也至若厚作庠變從享飭作飭變從方又作餉變從
芳冥作冥變從山又作窠變作穴從自審作審變從已
邈作邈變從豕畱作壺變從亞與壺之下體無別罕作
罕變從穴我作載變從土從戊恢作恢變從彡又作厥
變從广段作段變從殳又作斂變從文響作響變從石
又作韻變從景整作整變從來畝作畝變從文覽作覽
變從臨斂作斂散作散皆變從殳澣作澣變從品贛作

贛變從頁刺作荆變從夾暫作智變作田鼻作鼻變從
卑駢作駢變從夾覺作賈變從十拜作拜變從辛顯作
顗變從夕又作顗變從夕美作弄變從升禦作衛變從
行從去又作衛變從宗御作御變從先體作體變從身
載作輶變從友鹵作迺變從西從彡賁作賁變從立翰
作翰變從翕薦作薦變從屢掾作倅變從人馥作馥變
從口從父鑿作齧變從齒又作鑿變從出辟作辟變從
亲踳作踳闢作闢皆變從翕攜作攜變從雋僣作僣變
從寸截作截變從乚莠作羣變從季粦作皦變從丰報
作敦變從欠歡作歡飲作飲皆變作反量作量變從章

岡作罍變從正萑作蒹變從艸梁作梁變從爻覈作覈
變從雨弦作紆變從糸筆作樞變從木遷作選變從升
僊作僊變從衣棘作棘變從來濕作濕變從累點作點
獻作獻突作突獸作獸皆變從攴猶作猶變從昔琴作
琴變從介鹽作鹽變從田難作難變從黑緝作緝輯作
輯揖作揖皆變從胥闕作闕變從𡗗寔作寔字作罕宦
作宦室作室牢作牢寵作寵皆變從宀取作取亦變從
宀邦作邦變從羊術作術變從米驗作驗變從囧稟作
稟變從囧𡗗作𡗗變從水鄭作鄭變從尊醫作醫變從
取歸作歸變從是彪作彪嘽作嘽皆變從雨靈作靈變

虎又作𧈧變從𧈧農作𧈧變從𧈧覃作𧈧變從𧈧曲曲作
曲變從川𧈧作𧈧變從𧈧𧈧作𧈧變從𧈧𧈧變從𧈧𧈧廬作𧈧庄
作𧈧床作𧈧𧈧作𧈧𧈧作𧈧𧈧皆變從𧈧𧈧作𧈧亦變從
𧈧𧈧作𧈧𧈧作𧈧𧈧作𧈧𧈧皆變從𧈧𧈧作𧈧變從𧈧𧈧
作𧈧變從𧈧又作𧈧變從𧈧𧈧作𧈧變從𧈧𧈧作𧈧𧈧
𧈧變從𧈧又作𧈧變從𧈧下𧈧此皆隨勢更移但求補
空作姿不守偏旁者也又若龜之爲龜又爲龜𧈧之爲
𧈧𧈧之爲𧈧𧈧之爲𧈧𧈧之爲𧈧𧈧之爲𧈧𧈧之爲𧈧
𧈧之爲𧈧𧈧之爲𧈧𧈧之爲𧈧𧈧此非後人所敢杜撰者
也又若以𧈧爲𧈧以𧈧爲𧈧以𧈧爲𧈧以𧈧爲𧈧以𧈧爲𧈧

爲述以夏爲暇以皇爲黃以踰爲蹈以伎爲暨以氏爲
是以墨爲黥以充爲衝以衙爲禦以殷爲隱以公爲功
以顙爲旻以覲爲眈以緄爲衮以沂爲涯以桀爲看以
犢爲特以磔爲磊以羊爲陽以凱爲楷以汁爲叶以充
爲吮以紅爲江以僮爲幢以虧爲戲以彝爲夷以資爲隅
盭以梨爲黎以緇爲黹以綦爲淇以熹爲熙以偶爲隅
以菰爲孤以犁爲黎以胎爲鮐以煙爲禪以仁爲人以
薰爲勲以畔爲槃以渠爲詎以裘爲充皆假借也气艸
不合於隸體以氣代气以草代艸又以飭爲氣以皂爲
草此皆不得已之更代也隸固出于小篆而亦兼用古

籀如峇

時櫟野

式二

曲瑞哲

直

克裁

蠶與典冊番蠶

蠶退

復家家

蚌蠶運

動皆古文也

中

瘡癰遲

遲辟

匱

籀墜地

藉

皆籀文也

隸趨簡易

又尚茂密

故有增

減之法如𠂔作𠂔春𠂔作𠂔夏𠂔作𠂔眉𠂔作𠂔正𠂔作𠂔

書虞作𠂔𠂔作𠂔無𠂔作𠂔𠂔裏作𠂔𠂔𠂔作𠂔雷𠂔作𠂔𠂔𠂔作𠂔

享爰作𠂔牽作𠂔𠂔作𠂔𠂔害作𠂔𠂔𠂔作𠂔𠂔𠂔作𠂔𠂔𠂔作𠂔𠂔𠂔作𠂔

𠂔𠂔作𠂔𠂔𠂔作𠂔𠂔𠂔作𠂔𠂔𠂔作𠂔𠂔𠂔作𠂔𠂔𠂔作𠂔𠂔𠂔作𠂔𠂔𠂔

金蠶作𠂔𠂔復作𠂔𠂔𠂔作𠂔𠂔𠂔作𠂔𠂔𠂔作𠂔𠂔𠂔作𠂔𠂔𠂔作𠂔𠂔𠂔

趨簡易也土作土𠂔作𠂔𠂔作𠂔𠂔𠂔作𠂔𠂔𠂔作𠂔𠂔𠂔作𠂔𠂔𠂔作𠂔𠂔𠂔

玉雙作𠂔𠂔席作𠂔𠂔隊作𠂔𠂔邦作𠂔𠂔邦增也求茂密也古文

從省如卽位作卽立諸侯作者侯隸體亦爾如諧作誼
傳作使雙作隻阪作反汶作文瑚作胡圖作畱皆省文
也蓋篆有定體隸無專形繩以六書輒苦拘礙張謙中
因篆書無庵字以隸寫之此則兩體各得其當而知變
通之意者矣

陳啟源曰古籀之文一亂于斯再亂于邈而邈又甚
焉原其變隸之初務在去煩趨簡往往曲爲遷就以
便俗書於古人製字初心不能復顧是可慨也姑舉
一二言之如朋形異鳳履義非舟言失帛聲父無杖
悒奔走殊夭趾之形丹衰異垂毛之象戎早離于甲

義舜鄰去其炎文本紆而今直者支木干求之首本
析而今連者莽垂尾並之身以致孝孝難分茲茲易
溷變億而爲億改終而用終更箇而作函舍曷而取
厚勸還作壽藥乃爲乘庚形正而反偏出體褻而顧
整惟諧俗目莫覩原文至于施作偏旁尤多譌舛如
立心疑小挑手似才去首如云艸頭敲廿易舛爲升
在奉春則溷大在昇井則溷丌省已爲丌於御印則
疑邑於遷卷則疑己忽舛納從凶畏舛鬼從由而同
作田尉與癸從火綿帛從巾而並作小郭之臺淳之
臺皆爲享字恆之舟画之回俱作日形似四而非四

者鑒之皿賣之囧與羅羈之网罍曼之目似西而非
西者罍之鹵覆之而與遷與之囟桌桌之鹵又勺之
与句之旨與勺相類引之乙言之乙與△不殊又支
似文肉舟如月敷以方而易寸躬去吕而從弓墓作
堇耒作耒自作𠂔多作力俱就約而舍多𠂔爲布𠂔
爲有𠂔爲灰罍爲耆並移右而居左誰分中市市莫辨
口口凡此僭差難勝指摘者也

葉大慶攷古質疑古今之字不同固有自繁而之省
亦或增少而爲多不可概論也以周禮考之太宰人
灋後世以爲法司樂雷鼓後世以爲雷籥章之𩇛籥

後世以爲吹以至簪人之九簪太祝之九擗皆易之
以筮與拜焉其他如以雁爲雍以鵲爲善以鴈爲和
以蠶爲蜂以鼃爲朝以僊爲仙與夫黿龜蠃蠃之類
皆省于後也以漢書考之尉安之尉或加以心萬幾
之幾或加以木造耑之耑或加以立以至禮志之中
木幽通賦之東山皆易之以草與鄰焉其他如論語
之知增而爲智周易之无增而爲無以專爲數以兒
爲貌以輟爲繫與夫昆侖夫容毒冒武夫之類皆增
于前也夫自繁而之省無非取其傳寫之便易增少
而爲多抑果何說耶馥案篆變爲隸不能不改易以

就其體所謂勢窮則變也卽如簪擗黿鼉之煩重中
山山之簡約在篆則無嫌於隸則不類故削煩增簡
破篆之拘牽就隸之通便祇求合乎體勢不顧乖於
形聲豈好改作不得已也比如遯字篆作繇隸安能
從故改作遯猶嫌遯不便於隸又改作遂則易於下
筆取勢矣

宰予與田常作亂辨

史記仲尼弟子列傳宰予字子我爲臨菑大夫與田常
作亂以夷其族孔子恥之李斯列傳斯上書曰田常爲
簡公臣陰取齊國殺宰予於庭卽殺簡公於朝孔子家

語七十二弟子解宰予字子我魯人仕齊爲臨菑大夫
與田常作亂夷其三族孔子恥之曰不在利病其在宰
予史記齊世家載田常事又以子我爲闕止一人之書
互相刺謬如此覆案此非太史公之私言蓋沿襲舊說
而無所裁擇也以爲闕止者本之左氏以爲宰予者本
之呂氏也呂氏春秋審分覽慎勢篇云齊簡公有臣曰
諸御鞅諫於簡公曰陳成常與宰予之二臣者甚相憎
也臣恐其相攻也相攻唯固則危上矣願君之去一人
也簡公曰非而細人所能識也居無幾何陳成常果攻
宰予於庭卽執簡公於廟簡公喟焉太息曰余不能用

鞅之言以致此患也此史記之所本也或曰家語出於孔安國豈亦本呂氏耶曰今家語非安國本乃采摭史記荀子大戴禮國語左傳而成者其弟子解則本之史記弟子列傳也漢書藝文志孔子家語二十七卷顏師古曰非今所有家語唐書藝文志有王肅注家語十卷卽顏所云今所有家語其非安國本明矣小司馬索隱云左氏無宰我與田常作亂之文然有關止字子我田闕爭寵子我爲陳恒所殺恐字與宰予相涉因誤云然是則不易之論也夫

韓非難言篇宰予不免於田常

說苑田成子常與宰我爭宰我夜伏卒將以攻田成子乃令於卒中曰不見旌節無起鴟夷子皮聞之告田成子成子因爲旌節以起宰我之卒以攻之遂殘之也

馥案右二說與呂氏春秋誤同

困學紀聞引龜山楊氏曰田常爲亂於齊齊君蓋弗勝也宰予附田常則誰得而殺之使其爲齊君而死則予亦何罪焉當是時有關止字予我死於田常之亂是必傳之者誤而爲宰我也

夏洪基孔門弟子傳畧按左傳諸御鞅諫簡公正田

常與闕止爭寵事呂氏以爲宰我誤矣史承其誤而
以爲作亂夷三族更誤矣薛方山但謂其相憎而不
相爲謀是真與田常爭也豈不冤哉

范起井觀雜說古者有兩子我太史公曰宰我爲臨

菑大夫與田常作亂以夷其族孔子恥之孔子家語

同辭家語後史記出想孔猛

作家語

王肅

注家語

爲司馬

遷所誤耳按左氏傳哀公十四年闕止子我事齊簡
公與陳恒爭寵屬徒攻公宮不勝被殺夫宰予在聖
門雖累遭訶斥然而言語居四科之次與子貢並稱
必不至弄兵君側以速大禍況子路及難夫子且哭

問拜弔至於覆醢齊之亂夫子請討魯論與左氏備
載顛末今子我身戕族夷禍踰子路而無一言及之
豈聖人師生之情獨藐於子我哉假令不悲其死亦
當有以責其死矣然則王肅受誤於孔猛孔猛受誤
於太史公而太史公受誤於子我之名歟班固以文
直事核博物洽聞許之在愚其敢輕訾然尚論古之
人者不知其人可乎

元瓦鈔辨

元瓦鈔一定橫列至元通行四字闕寶鈔二字中有壹
貫字左右蒙古字庚子四月吾邑時家莊民掘井得之

考元戶部尚書武祺所著寶鈔通考知爲民間僞造其說有三按通考至元十三年戶部呈自中統元年鑄造鈔板元用木頭作樣如今年深風裂損壞臣等議得都改鑄作銅樣與木樣一般更堅久壞不了有奏奉聖旨准是則官造鈔板或木或銅不聞以瓦其僞一也通考又載彫刊板樣赴內府都省官及參議府左司官逐一子細呈看過奉都堂鈞旨於留守司等衙門遴選人匠彫刊依太史院選定日期鑄造凡印過板面先令監印官封訖取據鑰匙交中書省左司封是則國寶愼密安得流落民間其僞二也通考又載至正十年擬造中統

元寶交鈔其板面邊闌花樣字貫各隨鈔例從宜製造以防挑剗揭補之弊元有中統元寶諸路通行八字係漢字篆文今添蒙古字中統元寶諸路通行八字壹貫元單雷文今擬蕙草伍百文元斜角雷文今擬寶象花叁伯文元斜角雷文今擬四角雷文貳伯文元蕙草今擬球樓花壹伯文元四角雷文今擬萬字伍拾文龜背鎖子貳拾文芙蓉花壹拾文草苓芝是則官造花文字樣俱極精巧此瓦礫野殊不類其僞三也元制僞造通行寶鈔者處死首告者賞鈔五定仍給犯人家產律雖從重而民不畏死蓋弊多則法嚴法愈嚴則弊愈生自

然之理也況自泰定以後廢平準轉支之舊規鈔法大
壞國用民生公私交困而欲人不犯科野無私造豈可
得哉

晚學集卷第二

晚學集卷第三

題跋 書後

釋名跋

釋名署云漢北海劉熙成國撰按吳志韋曜傳

裴注曜本名昭

史爲晉諱改之

曜因獄吏上辭曰又見劉熙所作釋名信多佳

者然物類衆多難得詳究故時有得失而爵位之事又有非是愚以官爵今之所急不宜乖誤因自忘至微又作官職訓及辯釋名各一卷欲表上之馥案曜付獄在吳鳳皇二年是時釋名始得傳布固疑熙爲季漢人又按蜀志許慈傳慈師事劉熙建安中與許靖等俱自交

州入蜀吳志程秉傳秉逮事鄭元後避亂交州與劉熙
考論大義遂博通五經又薛綜傳少依族人避地交州
從劉熙學馥按照熙爲許慈師又與鄭康成同時其爲建
安人明矣

洪亮吉曰釋名舊本題安南太守劉熙撰考據家並
云漢無安南郡今考晉書循吏傳魯芝當魏時行安
南太守吳志薛綜傳避地交州從劉熙學日南郡正
屬交州則舊本不誤

後漢書文苑傳劉珍又撰釋名三十篇以辨萬物之
稱號云馥案隋書經籍志釋名八卷劉熙撰不載珍

所撰

玉篇跋

字林既不可見幸玉篇猶存又爲宋人所亂然有足證

說文

汲古閣刻本

之誤而補其闕者今以大字先具說文下

以細字繫玉篇條分而疏之恤收也

救也

忱不動也

心

動也

惕敬也

懼也案一切經音義引說文驚也與懼合

訥頓也

鈍也

訓譎也

引作詛也

詢說也

松也

駁密駁

引

作室穰

欬嘗也

告也

繫監持意口閉也

監作堅

遺迹遺

也遼遺也

迭怒不進也

驚不進也案繫傳怒不進也一

日驚也

迤前頓也

選前頓也案說文別有迤字此又誤

篆作

逡復也

復也

瘕女病也

久病

鼯小鼠

小鼠聲

栢

工官以爲奐輪

奐作輓案卽輓字

梳黃木可染者

梳黃

木實可以染廣韻亦作梳

杪相高也

木忽高也案本作

相音呼骨切說文形誤玉篇辭誤

卽河南洛陽北亾山

上邑

亾作土

郇周武王子所封國

郇伯文王年也

邕河

東聞喜縣

縣作鄉

儻精謹也

謹作儻

僭假也

引作僭也

值措也

引詩值其鷖羽值持也案韻會引說文持也

孔子曰在人下故詰屈

人在下

嫫媿也

媿也

嬖便嬖愛

也引作便僻也春秋傳曰賤而獲幸曰嬖案玉篇凡引

左傳皆稱左氏今稱春秋傳乃說文原文今闕

項頭後

也頸後眵目有所恨而止也恨作限覺注目視也目駐

視也聞知聞也知聲也台山間陷泥地間作瀾舌在口

所以言也引作在口中所以立言者齧齒堅聲齒作齧

齧齒堅兒齒作齧揜急持衣衿也急持衣衿行也揜推

也推也案一切經音義引說文亦作摧也映涓目也明

目也明視兒引孟子明眇胥譌柵編樹木樹作豎藍瓜

菹也藍作澹蕲江夏有蕲春亭縣名菹艸大也作藟引

韓詩荊彼甫田賦作賤廣韻同弓艸木之華

未發弓然華下有實字瓜瓠也引作菰秭春粟不漬也

漬作潰繫傳廣韻同匱飯剛柔不調相箸也飯堅柔調

也今作適來不調常爲才調

醵列也

作烈

皿飲食之用

器作飯食

斜杼也變杼也

並作杼

殯弩滿也

作滿弩繫

傳同

毀繇擊也古衣殺如此

遙擊也古爲投

盞斧穿也

斧空也釋文引說文作空

敵繫連也

擊連

瀕水出南陽

舞陽

舞陰漢志亦作陰

濂中絕小水

大水中絕小水也

涸或作湖

湖

赭赤色也或從貞或從丁或作洙赭棗之

汁洙或從正

赭下重文赭打二字洙証別屬水部洙側

加切洙滓也又棠棗汁証耶京切赤也案趙宦光說文

長箋亦謂洙証非赭之重文

圻地垠也

圻垠也案一切

經音義引說文地垠垠也

塋墓也

墓地案廣雅塋域葬

地也 禡道上祭 強鬼也道上祭也案韻會引繫傳強鬼

也禮記郊特牲鄉人禡鄭注禡強鬼 邨左馮胡高陵左

馮胡高陵有邨亭 顛面色顛顛兒 顛面急顛顛也顛同

上案廣韻顛說文曰面色顛顛兒顛上同 霽星無雲也

日出也案增韻引說文曰生無雲也史記封禪書至中

山騰溫韓詩騰日出也說文令日生二字作星 朒朔而

月見東方謂之縮朒 作朒從肉 外遠也 引作表也遠也

鏐齊謂多爲鏐 楚人謂多也 怒大也 作𦔑廣韻同 樊瞋

大也 瞋大聲也 裘炮肉也 炮炙案廣韻引說文炮炙 燿

取火於日官名舉火曰燿周禮曰司燿行火之政令燿

或從亘

燿古亂切舉火也烜況遠切火盛兒案周禮夏

官司燿掌行火之政令秋官司烜氏掌以夫遂取明火

於日司燿司烜分屬司馬司寇所掌各異說文取火於

日官名本烜字訓誤在燿字下烜非燿之重文較於湯

中燖肉也

溫也湯中燖肉也案廣韻較與燖同哀十二

年左傳若可尋也亦可寒也賈逵云尋溫也中庸溫故

而知新鄭注溫讀如尋溫之溫

獲善丹也美丹幾尤高

也危高兒

厓山邊也

水邊

厥崆也

山石下案崆當為厓

厓石地

辟反也

仄也

瑕厲石也乎加切

瑕都亂切釋文

亦作瑕

哀書囊也

繼也後漢書班固傳注引說文繼也

今說文僅存書囊一訓脫去纏訓
麋大鹿也 大麋案麋

麋屬
麋鼠屬 麋屬案一切經音義引說文周屬廣韻似

猿
閭今閭 含閭鳥 鮒魚名 繫傳一曰溥鯨玉篇鮒浮魚

一名江豚欲風則踴王隱晉書夏統常學戲船登舟作

鮒鯨之狀 螟蟲食穀葉者 食苗心蟲 螂渠螂 螂與蛭同

蛭蛭啖糞蟲案集韻引說文渠螂 蝓 蝓庸也 蝓也 蝓龍

頭繞者 龍作龍 韞韞內環韞也 韞作韞 總帛青色 青白

色案徐鍇說文韻譜同 紵紵也 紵也 紵織絹以絲貫

紵也 織緝以絲貫紵也 袂製袂也 袂袂也 袂製衣 袂衣

也廣韻同說文複褚衣顏師古急就篇注褚之以綿曰

複漢書南粵傳上褚五十衣注以綿裝衣曰褚

跌蛇惡

毒長也

蜚也蛇毒長也

禿上象禾粟之形

粟作黍

廌丸

孰也

丸屬也

醯孰翰也

熱麴也曲也

醇酒也而容切

醢

重釀也汝吏切廣韻同集韻釀酒也亦曰次釀

酣酒樂

也樂酒也

醉卒也卒其度量不至於亂也

卒也卒度也

度其量不至於亂也

醒醉而覺也

醉未覺也

凡此皆說

文誤玉篇正也又如胸脯挺也

韻會引繫傳作脰玉篇

脰脯胸也今說文無脰字

臄聾也

臄膏聾聾膏臄今說

文無聾字

譴嫁也

譴也譴譴也今說文無譴字

譴从彳

譌聲

說文言部無譌字玉篇譌言也

列子釋文引說文

痠疼痛也

痠痠今無痠字

掠卽來也

掠掠也今無掠字

逌逌鹵貪也

鹵作搗今無搗字

韻會顛字引說文詩猗

嗟顛兮顛眉目閒也

玉篇同今無顛字

盤讀若左傳蹇

而乘他車

今無覽字玉篇覽一足行也

尙振尙也

振脾

也脾脊脾也今無脾字

槍槍樓

今無樓字玉篇樓道木

也廣韻同

麩麥末也

麥蘇也說文機蘇也今無蘇字

麩

幾也

今無幾字玉篇引埤蒼幾幾也

砥以石扞繪也

扞

作研研礎也廣韻同今無研字

詩曾不容刀釋文引說

文作鴈正義引說文作鴈

今無鴈鴈二字玉篇鴈音彫

詩黍離釋文云離說文作稿

今無稿字玉篇稿長沙云

禾把也

郭璞爾雅序釋文引說文礫小礫石也

今無礫

字玉篇礫礫石也

一切經音義引說文礫柱下石

今無

礫字玉篇礫柱下石

藝文類聚引說文驤馬臥土中

馬

轉臥土中今無驤字廣韻馬上浴當作馬土浴

初學記

引說文有犢字

犢特牛也案說文特朴特牛父也朴當

作犢今無犢字

獾秋田也

獾秋田也璽為繭之重文爾

雅釋文獾說文作繭本是重文璽釋文誤作正文繭今

無璽字

獾獸也

獸似狸又變生璽切獸似狸又獾獾獾

也或作獾獾乙郎切引爾雅今江東呼貉為獾獾爾雅

釋文獾烏郎反獾山吏反引字林獾謂之獾案石鼓文

有幾字今說文闕狹卽奚字隸書夬夬易譌音隨字變
辭从綽省聲今無綽字玉篇綽周也案周當爲同方言

綽同也 稊車溫也

車韞稊韞裏也今無韞字

玉篇詠說

文誤同今說文無謨字凡此皆說文闕玉篇存也毛詩
駟釋文云說文作駟同玉篇駟爲正字駟同上與釋文
合今說文駟下引詩四牡駟駟別出駟字引詩在駟之
野後人所亂此又說文失而玉篇得矣

洪亮吉曰案玉篇邑部不載卿字疑屬脫文又案今
本說文莛艸大也卽係莛字之譌爾雅釋詁莛大也
陸德明音義引此云艸大也可證說文又別出莛字

云艸木倒乃後人誤增耳又案史記索隱引許慎淮南王書注晏無雲也則譚晏本一字合訓分訓皆得
集韻跋

曩在京師與戴東原先生居相近就談文字先生每取
集韻互訂謂余曰集韻增韻不背說文差可依據余時
有曹棟亭揚州刻本文多謬誤滯譌爲沸南少昊譌爲
省天因屬陳君增校讐未及終卷又屬程君敦與說文
對勘亦不完及余官長山乃得與增韻并了之益信戴
君言不誣也說文鼎部鼎字云以木橫貫鼎耳而舉之
从鼎一聲周禮廟門容大鼎七箇卽易玉鉉大吉也莫

狄切案此乃鼎字訓誤以鼎當之而脫去鼎字金部鉉
字云舉鼎具也易謂之鉉禮謂之鼎當云禮謂之鼎鼎
从口聲讀若局今諸書無鼎字增韻青部有之訓爲舉
鼎具與錫部之鼎音義各別既解說文之惑又補廣韻
之闕以視徐鉉不自曉其名者相去什伯矣

徐於鉉下
不知鼎爲

鼎之
誤

說文艸部藿字云藿艸也集韻引作藿艸詩藿茶

如飴正義引廣雅藿藿也則藿艸是也說文糸部紕字
云紕也六書故作降集韻引作縫也玉篇紕紕也史記
趙世家卻冠紕紕徐廣曰戰國策作紕縫亦縫紕之別
名則作縫是也此類不可枚舉當其時字林韻集埤蒼

纂文字書三蒼解詁李舟切韻諸書尚在故所收極博
良足霑溉後來然其錯謬往往而有則以眾手所成不
無粗略增韻出於一門父子故少違失然吾終以集韻
爲大官增韻賣餅家耳

集韻之謬略舉數字東部鍊云方言輶軼趙魏之間
曰鍊鏘案曹憲於廣雅音諫非從東也屋部棟云赤
棟木名案爾雅赤棟郭音霜狄反非從東也沁部鼬
云鼠名案說文鼬鼠屬从宀而隴切非從宀也覺部
盃云杯也案玉篇盃杯也魚下切非從足也霽部玆
云玆也案說文从圭迂往切非從圭也侵部軫云紡

車案說文從圭巨王切非從壬癸之壬也

荷戈圖跋

萊陽姜如農先生有荷戈圖先生在明季官禮科給事中時閣臣周延儒大貪婪御史有長安金貴之疏延儒懼欲脫已罪乃具密揭進上謂皆言官所爲上因申諭曰言官以言爲職緘嘿不言及言而未當俱屬溺職諸臣中有大姦大貪自當直糾其餘往事細過不應苛索延來忠讜固多挾私偏執更端爭勝亦復不少或代人規卸或爲人出缺種種情弊難以枚舉論下廷臣疑懼先生毅然上疏謂代人規卸爲人出缺陛下果何所見

而云然乎或於章奏知之耶抑出於聖心之懸揣耶此皆大姦巨慝惡言官不利於已而思以陷之推其心以爲不重言官之罪不能激陛下之怒不激陛下之怒不能箝言官之口不箝言官之口不能遂詭邪之謀臣恐人效寒蟬墮閑主聽誰復肯爲陛下言者上覽疏大怒下北鎮撫司勘問欲賜死都御史劉公宗周上殿力爭改下刑部命於午門外杖一百此崇禎壬午事也甲申正月閣臣某督師山西上行推轂禮某爲先生求解報可二月一日譴戍宣州衛未至戍所而明亡烏呼先生爲此圖蓋不敢廢君命也其赴戍詩云垂死承恩譴天

威咫尺間荷戈荒徼去收骨瘴江還哀職猶思補龍髯
竟絕攀先皇千滴泪獨在板亭山此亦足見其志矣余
述先生被譴事迹書於圖尾使觀者得以考焉

董香光書畫冊跋

同里顏異我先生爲言明季家滋陽城破亂兵入室拔
刀斫油筒濺汗書畫董香光冊子亦被斃後重裝於京
師此吾家世傳之物也何時不謹失去言未旣泣然流
涕閱三十年余官長山於袁比部滿塘許遇之叩其從
來乃章邱焦樸村太守購於骨董家贈袁者樸村子綠
軒聞余述顏氏舊事相與欷歔感此冊之遭也又數年

顏以董書請易綠軒實左右之袁敬諾於是此冊復歸於顏嗟乎當茲陽被兵時忠烈死難於河間孝靖跋走於歧路國破家亡雖有名書畫誰顧之當此冊被浣時求如馬鞍刀室而不可得又誰顧之迨承平旣久其子孫則垂涕而思之矣一物之微輕重存亡隨時升降如此旣見厄於兵又見壞於盜展轉流亡終歸故主豈與顏氏憂患安樂固結而不可解耶綠軒周旋其間使顏袁各行其意是亦此冊之魯仲連也夫

顏得前明趙公用賢兒饋趙之苗王槐求於顏慨然歸之今顏能得於袁者乃顏能德於趙者也附記

顏氏先友尺牘跋

副啟肇於前明古未有也張氏

翼

云正啟多莊語或有

機密則具副啟謝氏

肇

云上而奏疏下而簡牘俱用毛

邊紙其製折簡夾剡鈐以私印封題格式如金科玉律

宋王觀國學林言足下坐下几下席下閣下不宣不具

不備不次頓首稽首叩首其義本同而世有尊卑吉凶

之別然則拘俗不踰在昔然矣古人尺牘不入本集李

漢編昌黎集劉禹錫編河東集俱無之自歐蘇黃呂以

及方秋厓盧抑南趙清曠始有專本攷其踪跡可以證

史傳之得失而名流筆墨藏弃爲榮周益公所謂尺牘

傳世者三德爵藝也吾邑顏考功修來先生藏故人書千數百通皆毛邊紙副啟會孫運生孝廉屬余監裝於京師昔王大令作佳書與謝傅冀其存錄建炎中人求張右丞尺牘不可得今顏氏所藏德爵藝俱在吾旣嘉考功之取友又幸前輩筆札得人以傳且喜運生能承其先澤也故書其後

牒鯖小紀題辭

吳下主人飯客供鴨舌羹客疑亟不易得詢之監厨所積也蘇公讀漢書每一過耑記一例老杜讀書破萬卷卽此法也吾友運生見書必讀讀必紀錄識大識小各

成卷軸余曰蘇公之漢書破矣鴨舌羹不咄嗟而能辦
給哉

書夏小正後

夏小正四月取茶傳云茶也者以爲君薦蔣也又七月
灌茶傳云茶蔞葦之秀爲蔣褚之也濰縣令莊君述祖
謂茶蔣二文並從竹蓋采茶爲蔣蔣竹席也馥按王隱
晉書陶侃親人過侃宿時大雪無草侃母撤牀上雜蔣
手剉給客牛馬晉陽秋云蔣薦也又子思子禹爲蔣席
馥謂剉給牛馬自是草非竹矣蔣卽苳蔣苳蒲同類皆
可爲席故呼席爲蔣其字還當從艸竊懷此疑質之莊

君君謂四月非取茶時馥謂是書多錯簡如八月丹鳥
羞白鳥鄭注月令引作九月此明驗矣

書陸氏詩疏後

陸氏詩疏散見於諸書陶宗儀毛晉摘錄成帙各有疏
謬今據所聞隨條分記以表異同疏芑云芑菜似苦菜
也青州謂之芑齊民要術引作蘘苦葵青州謂之芑案
初學記云芑蘘也說文蘘菜也疏荷云的成實或可磨
以爲飯藝文類聚引飯作散按劉孝威謝東宮賚藕啟
云子爲靈散得自莊篇疏菑云河內謂之菑幽州人謂
之燕薺齊民要術引云河東漢中謂之薺幽兗謂之燕

藟一名爵弁一名蔓按蔓當爲藟爾雅藟藟茅說文藟
茅藟也一名藟又云藟艸也楚謂之藟秦謂之藟疏茹
藟云茹藟茅藟藟草也一名地血齊人謂之藟徐州人
謂之牛蔓今圃人或作哇種藟故貨殖傳云卮藟千石
亦比千乘之家按詩正義爾雅疏所引並無今圃人以
下二十三字本草掌禹錫及蘇頌圖經所引亦同圖經
於牛蔓下云二月三月采根暴乾今圃人云云然則今
圃人以下乃圖經之言闕入者圖經千乘之家下尚有
言地利之厚也六字疏藟云藟牡藟也太平御覽引云
藟牡藟牡藟也疏藟云可瀹爲茹滑而美也齊民要術

引作滑而不美案詩毛傳蓬惡菜則不美是矣似蒿疏
桐云桐有青桐白桐亦桐宜琴瑟今雲南牂牁人績以
爲布似毛布御覽引云桐有青桐白桐赤桐白桐宜琴
瑟藝文類聚引云有青桐赤桐白桐白桐今雲南牂牁
人績以爲布按廣志云梧桐有白者其葉有白毛取其
毳淹漬緝織以爲布也疏六駁云駁馬木名梓榆也陶
毛二本敘次並亂按崔豹古今注六駁山中有木葉似
豫章皮多癰駁名六駁木疏櫟云櫟柄葉如榆也木理
堅韌而亦可爲車轆爾雅釋文引尚有今人謂之芝櫟
也七字疏杞云魯國泰山汶水邊純杞也初學記引邊

下有路字疏穀云潔白光輝御覽引作光澤疏榛楷云上黨人織以爲斗筭箱器詩釋文織字引作篋藝文類聚太平御覽並同斗筭當爲牛簾說文簾飢牛筐也疏蒲云今人又以爲箕籬之楊也籬當爲籬疏樗云山樗與下田樗略無異葉似差狹耳吳人以其葉爲茗按此乃疏唐風山有樗之文誤移樗下也疏椒云少毒熱不中合藥也御覽引作小毒熱疏苞櫟云秦人謂柞爲櫟藝文類聚引秦人作周秦疏又云河內人謂木蓼爲櫟藝文類聚引下有爾雅曰其實櫟六字初學記燭下引陸士衡毛詩草木疏木蓼擣爲燭明如胡麻燭按陸君

名璣字元恪非陸機士衡也疏六月食鬱及萸云鬱其
樹高五六尺其實大如李色正赤食之甘按詩正義引
此作劉楨毛詩義問實非陸疏魏王花木志引詩疏燕
萸一名車鞅藤疏榛云遼東上黨皆饒御覽引作遼代
疏梅云曝乾爲腊初學記御覽並引作爲蘇疏唐棣云
唐棣與李也藝文類聚引唐棣作夫移疏棣云齊郡廣
饒縣堯山御覽引無饒字按漢志廣縣屬齊郡疏采茶
薪樗云其氣臭御覽引其葉臭按樗釋文音勅書反當
作樗疏鶴云雌者聲差下初學記御覽並引作惟老者
乃聲下疏鴟鴞云其喙尖如錐取茅莠爲巢藝文類聚

引尖字作刺巢字作窠疏又云關西謂之襍雀藝文類聚引作簾雀疏桃蟲云其雛化而爲鵬故俗語鵠鵠生鵬藝文類聚引二鵬字並作鵠尚有一段云焦貢易林亦謂桃蟲生鵠或云布穀生子鵠鵠養之疏脊令云脊令大如鵠御覽引鵠鵠水鳥一名渠梁疏鷺云大小如鵠青腳高尺七八寸又云好羣飛鳴御覽引如鵠作如鵠飛鳴作飛行八寸下有解指二字疏鵠云鵠水鳥形如鵠御覽引云鵠許慎曰鵠鵠也一名洿澤一名淘河水鳥形如鵠按下文云故曰淘河則引許慎一段不可少疏熊云冬多穴地而蟄始春而出御覽引始字作殆

疏鱣鮪云益州人謂之鱣鮪初學記引云益州人謂之鮪鮪疏又云鮪一名鮪初學記引云一名鮪按南越志鱣鮪屬也疏又云河南鞏縣東北崖上山腹有穴初學記引云河南鞏縣東洛度北崖上山腹有穴疏鮪云鮪今伊洛濟潁魴魚也廣而薄肥恬而少力御覽引云魴鰈今伊洛濟潁魴魚也廣而薄脆甜而口肉疏鱣云鱣鮪也似鯉頰狹而厚爾雅曰鱣鮪也許慎以爲鯉魚御覽引云爾雅曰鱣鮪也許以爲鯉魚璣以爲似鯉頰狹而厚按說文鱣鮪也鮪鮪也許以爲鯉魚當作鱣魚玉篇鱣與鱣同疏魚服云海水潮及天將雨其毛皆起水

潮還及天晴其毛復如初初學記引云水潮還及天晴毛則伏按博物志說牛魚云潮水至則毛起去則毛伏疏貝云貝水中介蟲也龜鼈之屬藝文類聚引作鼈龜屬疏阜螽云今人謂蝗子爲螽子藝文類聚引云今謂蝗子爲螽一名蠶螽按趙書石勒十四年蝗穿地而生二十日化爲蠶七八日作蟲四日則飛疏蟋蟀云蟋蟀似蝗而小正黑有光澤如漆藝文類聚引云目有光澤如漆疏又云幽州人謂之趣織御覽引作促機按崔豹古今注促織一名促機疏又云里語曰趣織鳴嬾婦驚是也御覽藝文類聚並無是也二字蓋詩正義引陸疏

而以是也二字結之陶毛二本誤以爲陸語也白氏六帖鵲鳩下引草木疏驚蟄後五日鷹化爲鳩此又陶毛

二本未載者矣

案似蒿二字應
在疏遂云前

全唐詩話文宗問宰相詩云呦呦鹿鳴食野之苹苹
是何草楊珣曰臣按爾雅苹是蘋蕭上曰朕看毛詩
疏葉圓而花白叢生野中似非蘋蕭馥案陸孔疏無
此語或出舒瑗沈重疏中

初學記燭類引陸士衡毛詩草木疏木蓼擣爲燭明
如胡麻燭案草木疏原題陸璣璣字元恪吳郡人吳
太子中庶子烏程令與士衡自是兩人陳振孫謂其

書引郭璞爾雅注當在郭後初學記何據指爲士衡

晚學集卷第三